

Ushbu sonda:

Xayr, maktab,
salom yoz!

2-bet

«Barkamol
avlod – 2008»

3-bet

Do'stingiz tilini
tushunasizmi?

5-bet

«To'maris
izdoshlari» –
mehmonimiz

7-bet

Vatan yagonadir, Vatan bittadir!

Teng

YULDUZI

O'zbekiston Respublikasi bolalar va o'smirlar gazetasi

Gazeta 1929-yil 1-avgustdan chiqa boshlagan.

2008-yil
26-may
N:22
(66667)

Yurtim, senga mehrim ziyoda,
Qalbda qoldi Jayhun xumori.

Quyosh balqir yuzlaringizda,
Maysa unar izlaringizda.
Barkamollik zavqini ko'rdim,
Quvnoq o'g'il-qizlaringizda.

Jayhun daryo oqadi sarmast,
Qirlar to'la gulu lolalar.
Men sizlarga ayladim havas,
Kelajagi porloq bolalar!

1-iyun –

Xalqaro bolalarni
himoya qilish kuni

Bizni kutar Surxondaryoda
Alpomishning dashtu diyori!

Eng sevimli va eng arzon gazetangizga
yilning ikkinchi yarmi uchun

OBUNA

davom etmoqda. Istalgan aloqa bo'limlarida
qadrdon gazetangizga obuna bo'lishingiz mumkin.

Maktabdagi fan olimpiadasida g'olib bo'lgan sinfdosh do'stingizga havasiz keldimi? Siz ham bu yutuqqa erishib, oliy o'quv yurtiga imtiyozli ravishda kirishni orzu qilgandirsiz? Bizning qahramonimiz, bir kunda nomi dunyoga tanilgan tengdoshingiz ham dastlab, 9-sinfda o'qib yurgan kezlari kimyo fani bo'yicha fan olimpiadasida qatnashgan edi.

Ammo, g'oliblikni qo'lga kiritganingizda bu fanni chuqur o'rganishni maqsad qilib qo'ygan.

«KIMYO – MENING

Kimyo fanini tilga olganingizdan sevgan

bo'lsangiz, biz bugun sizlarni 42-Xalqaro Mendeleyev olimpiadasining oltin medal sohibi, yosh kimyogar Anvarxo'ja Maqsudxo'jayev bilan tanishtirmoqchimiz.

Aslida kamtargina Anvarxo'ja bilan tanishish oson bo'ldi. Biz uni izlab Toshkent Pediatriya tibbiyot instituti qoshidagi akademik litseyga bog'animizda televideniye ga suratga olishayotgan ekan. Ha, bugun bu tengdoshingiz bilan kim ham qiziqmaydi, deysiz?! Lekin, litseyning bu chaqon, ziyarak 3-bosqich tolibi bizga ham vaqt ajratib suratga tushib berdi, maroqli suhbatlashdi. Shunday qilib, bir vaqtlar maktabda fan

olimpiadasida yutuqqa erisha olmagan, litseyning 2-bosqichida o'qiyotganida 3-o'ringagina sazovor bo'lgan Anvarning xalqaro olimpiadada g'olib bo'lishi xayoliga ham kelmaganini aytdi:

— Garchi kutilmaganda yutuqqa erishgan bo'lsam-da, buni shunchaki omad deb, ayta olmayman. Chunki, hech narsaga osonlikcha erishib bo'lmasligini tengdoshlarim yaxshi bilishadi. Men 8-sinfda o'qitilmay kimyo

gaplarini ko'p eshitgansiz-a? Buning isbotini Anvarxo'janing oilasi misolida ko'rishingiz mumkin. Murodxo'ja aka doimo tirishqoq o'g'lining o'qish va xulqiga jiddiy e'tibor qaratar ekanlar. Dadam bir oz qattiqqo'llar, — deydi kulib qahramonimiz.

— Onajonimlar esa juda ta'sirchan ayollar. Yutuqlarimdan juda quvonib ketadilar. Aslida hammasi o'ta-onam tufayli desam, adashmayman. Bir kuni oyijonimlar maktabdagi majlisga borganlarida, o'qituvchilarim mening ba'zi sho'xliklarimdan nolishgan ekan.



KELAJAGIM»

fanining sir-sinoatlarini o'rganib kelaman. Hammasi shunday boshlangan edi. Avvalo aytib o'tay, o'zim Chilonzor tumanidagi 90-maktabda o'qiganman. Bir kuni kimyo fani o'qituvchimiz uyga vazifa berganlarida bir oz qiynalgandim. Ammajonim biologiya fani o'qituvchisi bo'lganliklari uchun kimyo fanidan ham yaxshigina xabardorlar. Shunda ular menga masala yechishni o'rgatdilar. Va men bu fanga qiziqib qoldim. Lekin, fan olimpiadalarida faxrli o'rinni ololmaganimda juda alam qilgan. So'ng litseyda kimyo fani o'qituvchimiz Saidakrom aka Saidumarovdan ko'p narsani o'rgandim. Bugun esa bu fan mening kelajagimni belgilab berdi.

Kattalarning bola tarbiyasi ko'p jihatdan o'ta-onaga bog'liq, — degan

Shunda ular uyga yig'lab qaytganlarini ko'rib, men endi eng namunali, a'lochi o'quvchi bo'laman, deb o'zimga so'z berganman.

Qahramonimizning bo'sh vaqti ham oilada to'g'ri tashkil qilingan. U sportga qiziqqani uchun bolaligidan markaziy harbiy suzish klubiga ham qatnashgan. Axir, barkamollik — jismonan baquvvatlig-u bilim va tafakkurda. Buni tengdoshlariga isbotlab bergan Anvarxo'ja Maqsudxo'jayev hali oldinda bo'lgan mazmunli hayotida ko'p oddiy haqiqatlarni yuzaga chiqarishiga ishonamiz. Zero, 18 yoshida yoshlikning bebaho fasl ekanini, yurt sharafini himoya qila olish esa oliy burchimiz sanalishini ham shu iqtidor egasi ko'rsatib berdi. Siz ham shunday maqsadlar bilan yashang, natijasini esa kutilmaganda katta dononlarda ko'rsangiz, ne ajab!

Sayyora JO'RAYEVA,
Shahrizoda G'ULOMJONOVA

KELAJAK OLDIDAGI MAS'ULIYAT

Uchqo'rg'on tumanidagi 25-umumiy o'rta ta'lim maktabining yuqori sinf o'quvchilari o'rtasida diniy eksterimizm-terrorizm va uning salbiy oqibatlarini oldini olish maqsadida «Voyaga yetmagan yoshlarning dinlarga bo'lgan ongli munosabatini oqilona shakllantirish davr talabi va kelajak oldidagi mas'uliyat» mavzusida yig'ilish bo'lib o'tdi. Uni tuman qoshidagi voyaga yetmaganlar ishlari bo'yicha hay'at raisi, tuman Xalq ta'limi bo'limining mudiri L.Jo'rayev kirish so'zi bilan ochdi.

U o'z nutqida Vazirlar Mahkamasining 1998-yil 26-martdagi «Ijtimoiy-ma'naviy muhitini yanada sog'lomlashtirish, diniy aqidaparastlikning oldini olish chora-tadbirlari to'g'risida»gi 130-sonli qarorining ijrosi bo'yicha ta'lim muassasalarida amalga oshirilgan ishlar, sinf rahbarlari va o'ta-onalar bilan hamkorlik, tuman maktablarida ushbu mavzuda o'tkazilayotgan tadbirlarda diniy eksterimistik guruhlarining jinoyatlarini fosh etuvchi videofilmlar namoyish etilayotganligi, o'quvchilar bilan huquq-tartibot idoralarning xodimlari, olimlar, diniy ulamo vakillari davra suhbatlari o'tkazib kelayotganligi, maktablardagi «Targ'ibot markazi»ning diqqatga sazovor faoliyatlari haqida to'xtaldi.

Shundan so'ng, mazkur masala bo'yicha Uchqo'rg'on tuman prokuraturasining tergovchisi M.Do'smurotov, tuman hokimligi huzuridagi voyaga yetmaganlar ishlari bo'yicha komissiya mas'ul kotibi A.Ismoilov, «Paxtachi» MFY profilaktika inspektori A.Karimov, mahalla xotin-qizlar qo'mitasi raisi M.Toshboyeva, posbon A.Egamberdiyevning fikrlari tinglandi. Har bir qatnashchi o'z ma'ruzasida yoshlarni jinoyatchilik, huquqbuzarlik, turli xil yomon illatlar qurshoviga tushib qolishdan asranishlari kerakligini aytib, ogohlikka chaqiradilar va ko'rilgan masalalar bo'yicha vazifalar belgilab olindi.

Yig'ilish yakunida barcha o'quvchilar «Qabohat girdobida» videolavhasini tomosha qildilar.

Kamolola NOSIROVA,
Namangan viloyati

BIZDAN AJIB BOG' QOLADI

Kuni kecha respublikamizning barcha o'rta umumta'lim maktablarida so'nggi qo'ng'iroqning jarangdor sadolari yangradi. Minglab aka-opalarimiz qadrdon maktablari bag'ridan qaldirg'ochlar miso'ji uchirma bo'lishdi.

Jumladan, poytaxtdagi ingliz tiliga ixtisoslashgan 235-maktabimizda ham «So'nggi qo'rg'iroq»ga bag'ishlangan tadbir ajoyib tarzda o'tdi. Bitiruvchilarimizga oq yo'l tilab, mustaqil hayotga kuzatdik. Ularning, hamda ustozlarimiz ko'zlaridagi yoshni ko'rib, beixtiyor ko'zimiz namlandi.

Kelasi yili biz ham maktabni tamomlaymiz. O'zimizdan yaxshi nom qoldirish uchun astoydil harakat qilamiz. Maktabda o'tadigan barcha tadbir va kechalarda faol ishtirok etamiz. Sinfimiz uchun ajratilgan maydonchadagi daraxt va gul ko'chatlarini mehr bilan parvarishlab, uka va singillarimizga ajoyib bir bog' qoldirish niyatidamiz.

Nilufar ZULFIQOROVA,
8-«E» sinf o'quvchisi

XAYR MAKTAB, SALOM YOZ!

Poyimda gul poyondozi,
Xurshiddan nusxa, andoz,
Mavloniy yanglig' mumtoz,
Xayr, maktab, salom yoz!

Menga ochib bag' ringni,
Berding barcha boringni,
Nuru, ziyo, qo'ringni,
Xayr maktab, salom yoz!

E, ta'til kimga tatir,
Kimga bol, kimga patir.
Kimga sho'r, kimga taxir,
Xayr maktab, salom yoz!

Endi soya-salqinda,
Toblanarman yolqinda,
Mehnat degan to'lqinda,
Xayr maktab, salom yoz!

Ko'rishguncha yaxshi qol,
Sen ham damu, hordiq ol,
Bizni kutar istiqbol,
Xayr maktab, salom yoz!

HASAN ota, Toshkent viloyati,
Navoiy shirkat xo'jaligining 3-bo'limi

SO'NGGI QO'NG'IROQ

Sen qablarning bezagi,
Yo'llarimda shamchiroq.
Ko'ngillarda hayajon,
Yangra so'nggi qo'ng'iroq!

G'uborsiz shodliklarning,
Tomchi-tomchi ko'z yoshi.
Oydin orzular sari,
Chorlab turgan quyoshi.

Nargiza YUNUSOVA,
Alisher Navoiy nomli
Respublika nafis san'at
litseyining 8-sinf o'quvchisi

XUSH QOL ENDI, BOLALIK!

«So'nggi qo'ng'iroq» biz o'smir yoshlarni ezgulik sari chorlab, yana nimalardandir ogoh etayotgandek, uzoq vaqt quloqlarimiz ostida aks-sado berib jaranglab turadi.

Katta hayot ostonasi... Maktab hovlisida to'plangan o'quvchilar, siz uchun sho'xlik, baxtiyorlik to'polonchilik bilan xayrlashish osonmi? Yillar mobaynida chalingan qo'ng'iroqlar o'zi bilan birga sizning eng baxtiyor onlaringizni olib ketganini angalayapsizmi?

Bugun, so'nggi qo'rg'iroq!

Bu kun nafaqat maktab, qadri ustozlar bilan xayrlashish, balki shoir aytganidek, hammani sog'intiradigan, katta harflar bilan yoziladigan, «BOLALIK» bilan ham xushlashadigan kun. Dillarda hayajon hukmron, nigohlar so'zsiz so'zlashadigan kun...

So'nggi qo'ng'iroq jarangi. Bu katta hayot sari yo'llovchi ilk qo'ng'iroqdir, balki. U qisqa vaqt ichida nimalar haqida so'zlaydi? Uni hamma o'quvchilikning so'nggi bekatida turgan yoshlar to'g'ri tushunarmikanlar? So'nggi qo'ng'iroq faqatgina darslarning tugaganiyu, imtihonlar pallasi yetgani haqida so'zlamaydi. U bizga hayot darslari hali oldinda ekanligidan, haqiqiy sinovlar endi boshlanajakligidan darak beradi. «So'nggi qo'ng'iroq balog'at pillapoyasidagi tengdoshlarimizni hayotga, yaxshi ishlashga, yurtga munosib tarzda yashashga, yangiliklarga intilishga chorlaydi.


Hayot deganlarining murakkab chig'iriqlari bor. Shu bois hayot darslariga quloq solishimizni uqtiradi, so'nggi qo'ng'iroq. Ha, bu jarang, bu sas qaynoq turmush sari chorlaydi. Bolalik davri, sho'xlik davri tugagan tengdoshlarim!!!

Shoshmang bir lahza, davr zimmamizga yurt va millat sha'nini himoya etishdek buyuk vazifani yuklayapti. Zamindan samovot qadar sirli va sehrli hodisalar yechimini anglash, insoniyat baxti, iqboli uchun kurashish hissi ruhiyatimizga nur kabi singsin. Sizda ozod va hur mamlakatimizning dovrug'ini yurtlar osha yetti iqlimga taratish qudrati bor. Ishonamizki, siz ko'ngillar chirog'ini yoqishga yaraysiz. Yuksak kelajak toqiga narvon qo'yib, samodagi yulduzlar sirini anglab, zamin bag'ridagi jarohatlarga malham qo'yasiz. Yurtimizning kelajagi sizning qo'lingizdadir.

Eshityapsizmi, so'nggi qo'rg'iroqning sasi har bir dilning tubida unsiz ovoz bermoqqa chog'layapti. U bizlarni ezgulik sari chorlayapti!!!

Javohira HAYDAROVA





JAYHUN DARYO BO'YLARIDA



1. 17-may kuni Nukus shahrida 12 ming o'ringa mo'ljallangan markaziy «Turon» stadionida «Barkamol avlod – 2008» sport o'yinlarining tantanali ochilish marosimi bo'lib o'tdi. Chorlov musiqasi ostida maydonga Qoraqalpog'iston Respublikasi, viloyatlar va Toshkent shahri terma jamoalari kirib keldi.

Qoraqalpog'iston Respublikasi Jo'g'org'i Kengesi Raisi M.Emiyazov yig'ilganlarni tantanali ayyom bilan qutladi, kasb-hunar kollejlari va akademik litseylar o'quvchilarining Respublika «Barkamol avlod – 2008» sport o'yinlarini ochiq deb e'lon qildi.



2. O'zbekiston Respublikasi Prezidenti Islom Karimovning «Barkamol avlod – 2008» sport o'yinlari qatnashchilariga yo'llagan tabrigini Prezidentning Davlat maslahatchisi X.Sultonov o'qib eshittirdi.

3. Musobaqalarning tantanali ochilish marosimida O'zbekiston Respublikasi Bosh vaziri Sh.Mirziyoyev ishtirok etdi.

KOMILA - CHEMPION

Nukusga borgan 26 nafar badiiy gimnastikachilar bellashuvi o'ta hayajonli va qiziqarli o'tdi. Gimnastika o'z jozibasi va sehrini g'alabalab olqishida yanada teranroq namoyon etdi. Poytaxt vakilasi Komila To'xtayevaning mahorati hattoki hakamlarni ham quvontirdi. U ko'pkurash bahslaridagi usullari bilan «Barkamol avlod – 2008» sport o'yinlarining chempioni deb topildi.

– Endi ikki karra mamlakat chempioni degan nomga erishdim, – deydi, Toshkent davlat iqtisodiyot universiteti qoshidagi akademik litsey talabasi Komila opangiz. Sportning nafis, g'oyat go'zal turi bo'lgan badiiy gimnastika bilan 12 yildan buyon muntazam shug'ullanib kelayotgan Komila opangizning orzusi olimpiada o'yinlarida qatnashish.



QUTLOV

Badiiy gimnastikaning ko'pkurash bahslarida birinchi o'rinni egallagan tengdoshim Komilani tabriklayman. Bahslarning ikkinchi o'rni menga nasib etdi deydi, – Veronika Esipova. Bellashuvlarda terma jamoamiz hisobida birinchi o'rin bizga, ikkinchi o'rin buxoroliklarga, uchinchi o'rin xorazmliliklarga nasib etdi. Biz chempionlik kamarini mahkamroq bog'laymiz. «Universiada»da yana diydorlashamiz, uchrashguncha!

Stol tennisi

– Biz «Barkamol avlod – 2008» sport o'yinlarini omadlar eshigi, deya ko'klarga ko'tarsak arziydi. Sabab, avvalgi bahslarda g'olib bo'lgan shogirdim Ibrohim Haydarov musobaqaning yo'llanmasi bilan O'zbekiston davlat jismoniy tarbiya institutiga qabul qilingandi. Bugun u ushbu musobaqalarda hakam bo'lib qatnashyapti. Yana bir Toshkent viloyatidan vakilimiz Rimma Gufranova ilk chiqishidayoq 3:0 hisobida g'alabaga erishdi.

Shaxmat

– «Barkamol avlod – 2008» sport o'yinlarida shaxmatchi o'smirlarimiz Qoraqalpog' davlat universitetida dona surdilar, – deydi bellashuv hakami A. Mirzaahmedov. Musobaqaning qizlar o'rtasidagi bahslarida mamlakat oliy ligasi chempioni Nafisa Mo'minova bronza medalini qo'lga kiritdi. Qashqadaryolik Nodira Nodirjonova, «Umid nihollari» sport o'yinlari sovrindori Shohida Sobirovalarning mahorati hakamlar tomonidan yuqori baholandi.



Futbol

Futbol bahslari finalida Qoraqalpog'iston terma jamoasi Toshkent shahri jamoasi bilan ro'baro' keldilar. Qizg'in o'tgan uchrashuvda maydon egalari raqiblaridan ustun kelishdi. Hisob – 2:1.



Unda kollej va akademik litseylarda ta'lim olayotgan aka va opalaringiz ishtirok etishdi. Sport musobaqalarining bu yilgi shiddati, shukuhi, shijoati Orolbo'yi hududiga o'zgacha tarovat baxsh etdi.

SHIORIMIZ – G'OLIBLIK SARI

Serquyosh o'lkamizda 2001-yildan boshlab uch bosqichli tizim asosida o'tkazib kelinayotgan «Barkamol avlod» sport musobaqalari ushbu tizimning o'rta bo'g'inidir.

Aziz bolalar, mazkur musobaqaning «Kichik olimpiada» deb e'tirof etilayotganini ham bilasiz.

Dastlab Jizzaxda, keyin Andijonda, Toshkent viloyatlarida bo'lib o'tgan an'anaviy musobaqa yildan-yilga o'z nufuzini, qadri, qimmatini namoyon etib bormoqda. «Kichik olimpiada»da g'olib bo'lgan qatnashchilardan ayrimlari jahonda yurt bayrog'ini ko'klarga ko'tarishdek ulug' sharafiga muyassar bo'lmoqdalar.

Bu yilgi musobaqaning shiddati, shijoati o'tgan yillardagidan baland bo'ldi. Yana chempionlar sari ortdi.

Uch bosqichli musobaqalar yil sayin o'z mevasini bera boshladi. Bu tizimning birinchi bo'g'ini «Umid nihollari», ikkinchi bo'g'ini «Barkamol avlod», uchinchi bo'g'ini «Universiada» deb nomlandi. Hozir bu so'zlar butun mamlakatimizning keksa-yu yoshiga birdek tanish. Tengdoshlaringizni bu musobaqalarga qiziqishlari tobora ortib bormoqda.

Bunday maydonlarda chiniqqan yoshlarning ertaga katta olimpiada sari yo'l olishlari shubhasiz. «Barkamol avlod – 2008» chindanda yoshlarning katta sport bayramiga aylandi. Maydonlarda bellashish chog'ida mardona raqiblar hisoblangan yoshlar bahslardan so'ng do'stlik, totuvlik va qardoshlikni tarannum etuvchi ko'g'ngilochar tadbirlarning faol ishtirokchilariga aylanishdi.

Zero, bugun sport maydonlariga dadil, adl chiqib kelayotgan yoshlar «Ertangi kun bizniki», – deya hayqirmoqdalar. Ularning zavq bilan aytgan so'zlariga, albatta, biz ham qo'shilamiz.

Bolajonlar, e'tibor bilan boqsangiz, sport maydonlarida azmu-shijoatini to'la namoyon etayotgan aka-opalaringiz, tengdoshlaringiz maydonlarda bir tamu, bir jon bo'lib, qo'lni-qo'lga berib, do'stlik rishtalarini mahkamroq bog'layotganiga guvoh bo'lasiz. Ular mamlakatimizning shaharu qishloqlaridan g'alabalar sari, orzular makoni, umidlar manziliga oshiqmoqdalar. Ularni yangi qad rostlagan muhtasham sport inshootlari, qayta ta'mirlangan binolar, ko'zni qamashtirgudek go'zal xiyobonlar va ko'chalar g'oliblikka chorlab turgandek, go'yo... Shunday g'amxo'rlik yoshlarimizni ko'ksini tog' qilib, bir millat bo'lib yashashga, intilishga, yurt qadri e'zozlashga, e'tiqodu ishonch g'oyasini shakllantirishga umid uyg'otadi.

Bugungi «Kichik olimpiada», ertangi katta olimpiada tomon borayotgan yo'lni yorug' mash'aladek oydin yoritadi.

Orolbo'yida o'tgan Yoshlik bayrami o'z g'oliblarini aniqladi.

20-may kuni «Barkamol avlod – 2008» sport musobaqalarining yopilish marosimi markaziy «Turon» stadionida ko'tarinki ruhda o'tdi. Minglab sportsevar muxlislar bilan to'lgan stadion takrorlanmas chiroyga burkandi. Musoboqa hakamlar hay'ati sport musobaqalarining umumjamoa hisobidagi yakuniy natijalarini e'lon qildi. Unga ko'ra mezbonlar – Qoraqalpog'iston Respublikasi sportchilari umumjamoa bo'yicha birinchi, Toshkent shahri jamoasi ikkinchi, farg'onalik yoshlar uchinchi o'rinni egallashdi. G'olib jamoalarga Prezident Tabrigining asl nusxasi va «Damas» avtomashinasining kaliti topshirildi.

NAVBAT ALPOMISHLAR DIYORIGA...

Endi Yoshlik, Go'zallik, Navqironlik bayrami ovozasi, jozibasi, g'ayrat-u shijoati polvonlar beshigi – Surxon vohasiga ko'chgay... Mukofotlash marosimi tugagach, estafeta bayrog'ini qabul qilib olgan surxonliklar sportchi tengdoshlariga, «Vohamizga marhabo», – deya xayrlashib qolishdi.



Kurash

Musobaqalarda Respublika Olimpiya xazinalari kollejining 3-bosqich talabasi Yahyo Imomov 71 kg.lik polvonlar bilan gilamga chiqdi. Uchrashuv Yahyoga buxorolik Abbos Jalolov ustidan g'alaba qozonganligi uchun oltin medalni taqdim etdi.

Ushbu rukn ostida iqtidorli, intiluvchan yoshlarimiz haqida hikoya qilish yaxshi an'anaga aylanib qoldi.

Bugun ham ana shunday yigit-qizlarimiz haqida yozishga chog'landik:

«O'ZIMNING YO'LIM BO'LSIN»

Toshkent yuridik kollejining 3-bosqich talabasi Faxriddin Qilichevning hayotdagi shiori shunday. Glier nomli akademik litseyda o'qib yurgan chog'laridanoq sevimli qo'shiqchisi Ozodbek Nazarbekovdek san'atkor bo'lishni orzulab yurardi. Uning har bir harakatini kuzatib, sahnada o'zini tutishi-yu, mikrofonni qanday ushlagigacha o'rganishga intilardi.

Qisqasi, bu san'atkorga taqlid qilardi. Hozirda esa uning fikri bo'lakcha: har bir san'atkor o'z yo'nalishi, uslubi, ijro mahoratiga ega bo'lishi lozimligini yaxshi biladi.

Faxriddinning bolalikdanoq san'atga mehri baland edi. O'g'lidagi bu ishtiyoqni o'z vaqtida payqagan onasi Dilorom opa qo'shiqlarini tinglab, olqishlar, shu tariqa uni doimo ruhlantirib turardi. 7 yoshli chog'ida «O'zbekiston — Vatanim manim»



respublika ko'rik-tanlovida qatnashib, 2-o'rin sohibi bo'lgani, uning hayotidagi ilk muvaffaqiyati edi. Yaqinda «Kamolot» yoshlar ijtimoiy harakati tomonidan o'tkazilgan «Iste'dod» ko'rik-tanlovida ham 2-o'rin nasib qildi. Hozirgi kunda esa vokal ustoz Yo'ldosh aka Yoqubovdan qo'shiqchilik sirlarini qunt bilan o'rganib kelmoqda. «Samarqandda», «Araz» nomli

qo'shiqlari allaqachon o'z muxlislarini topishga ulgurgan.

Faxriddin, «Yigit kishiga qirq hunar ham oz» degan naqlga amal qiladi chog'i, zargarlik hunarining hadisini olishga ham intilyapti. Sportning suzish turi bilan muntazam shug'ullanishga ham fursat topadi.

Bir so'z bilan aytganda, bugunning bilimli, zukko yoshlaridan biri bo'lishga intilyapti.

BARC HAGA O'RNAK BOLA



Tahririyatimizga kattagina yelim xalta ko'tarib kirgan bolakay o'zini Akmal Murodov, deya tanishtirdi. U Bo'stonliq tumanidagi 11-maktabning 8-sinfida tahsil olarkan. Maqsadini tushuntirgach, xaltasidan yog'ochdan yasalgan qutichalar, guldastalarni, kitob o'qish moslamalarini chiqarib qo'ydi. Ular orasida, hattoki ikki qavatli mittigina uycha ham bor edi.

Avvaliga bularni o'zi yasaganiga biroz shubhalandik. U bilan suhbatlashgach, so'zlariga ishonдик.

Akmal fanlarni a'loga o'zlashtirishi, namunali xulqi bilan barchaga o'rnak bo'layotganidan sinf rahbari Shohida Ziyaboyeva behad quvonsa, hunarmandchilik to'garagidagi yutuqlaridan ustoz Oybek aka Imomaliyevning boshi ko'klarda.

— Biz yoshlar kelajak egalari. Demak, bilimli, zukko va sog'lom avlod bo'lib kamol topishimiz kerak, — deya kattalardek fikr yuritadi Akmal.

O'z so'ziga amal qilib, juda ko'p o'qiydi. Olgan bilimlarini mustahkamlash uchun maktabdagi «Zakovat» intellektual o'yiniga boshlovchilik qiladi. O'yin ishtirokchilariga beriladigan savollarni murakkab, mantiqli, rang-barang tayyorlash maqsadida juda ko'plab gazeta va jurnallar varaqlaydi. O'tgan yili bu o'yinning maktablararo bosqichida g'olib chiqib, oromgohda bir necha kun bepul dam olib qaytgandi.

Sportning tennis turi bilan muntazam shug'ullanadi. Kompyuterda ishlash — eng sevimli mashg'uloti. Ona tili va adabiyot faniga juda qiziqadi.

Akmalning «Yoshlar yili»ga atalgan rejaları ulkan: o'z ishlari bilan «Yangi avlod» respublika tanlovida qatnashib, g'oliblar qatoridan joy olish niyatida.

Kelgusida esa u inson huquqlarining haqiqiy himoyachisi bo'lmoqchi.

Elu yurt ishqidir dillarda ummon,
Elu yurt mehri ga chanqoqmiz, chanqoq!
Olg'a, ey, jo'rajon, dovyurak o'g'lon,
Bu yo'lda chaqnaylik misoli chaqmoq!
Olg'a bos, olg'a!

Yamin QURBON

«SAODATLI BO'LAYLIK...»

Qamariddin Shayxovni ko'plab radiotinglovchi yoshlar yaxshi tanishadi. Boisi, u mana ikki yildirki, «O'zbekiston» teleradiokanali orqali berib boriladigan «O'smir», «Kelajak tongi», «Katta tanaffus», «Kamalak» kabi eshittirishlarda boshlovchilik qilib kelyapti.



Toshkent Moliya instituti qoshidagi 2-sonli akademik litseyning 1-bosqichida a'lo baholarga tahsil olayotgan Qamariddin jamoat ishlaridagi faolligi bilan ham ko'pchilikka o'mak bo'lyapti. Litseyning «Kamolot» YoIH boshlang'ich tashkiloti raisi o'rinbosari sifatida faoliyat yuritadi. Uning tashabbusi bilan litseyda «Kelajak yulduzlari» nomli gazeta chiqarila boshladi. O'qishlari, tashkilotchilik ishlaridan fursat orttirib, o'zi bu nashrga muharrirlik ham qilyapti.

Qamariddin mazkur yilimizning yoshlar yili, deb nomlanishidan behad quvonib, shunday deydi:

— Men yoshlikni inson umrining navbahoriga o'xshatgim keladi. Nazarimda qo'limizni qayga uzatsak, yetadigandek. Kuch-g'ayratimiz ham, imkoniyatlarimiz ham yetarli. Faqat o'z oldimizga qo'ygan maqsad sari astoydil intilsak, bas. Ko'klam bilan yoshlikning birgina farqi bor, bahor har yili keladi, yoshlik esa qaytmaydi. Buni barcha tengdoshlarim chuqur anglab yetishlarini va umr bahorini g'animat bilib, yurtimiz ravnaqiga ozgina bo'lsa-da ulush qo'shishlarini istardim.

Mening ham o'z oldimga qo'ygan maqsadlarim ulkan: bu yil «Kelajak ovozi» mega-tanlovida ishtirok etish niyatidaman. Litseyi a'lo baholarga bitirib, Xalqaro diplomatiya universitetiga o'qishga kirish orzuim. Donishmandlardan biri: «O'z ishini topa olgan kishi saodatlidir. U boshqa saodatni qidirmay qo'ya qolsin. Chunki uning qiladigan ishi va yashashdan maqsadi bor», — degan ekan. Shu ma'noda, barcha tengdoshlarimning saodatli bo'lishlarini istardim. Zero, yurtimiz kelajagi, ertangi kuni uchun biz yoshlar mas'ulmiz.

IKKI OG'AYNI SHOVVOZLAR



Mana bu ikki og'ayni shovvozlarni taniyotgandirsiz-a? Oynayi jahon orqali ajoyib kuy va qo'shiqlar ijro etib kelayotgan Ubaydullo Qudratillayev va Sarvar Zoirovning xuddi o'zginasi.

Ular respublika o'quvchilar saroyi qoshidagi «Kamalak» nomli vokal guruhda tanishishdi, do'stlashishdi. Bu dargohda o'rgangan ko'plab qo'shiqlari bilan festivallar va tanlovlarda qatnashib, sovrinli o'rnlarni qo'lga kiritib kelishyapti.

Jumladan, respublika miqyosida o'tkazilgan ko'rik-tanlovlarda laureat, Samarqandda o'tkazilgan «Bolalar estradasi» festivalida birinchi va ikkinchi o'rnlarni qo'lga kiritishdi. Guruh rahbari Ilhom aka Siyaqulov va Nargiza opa Mirzayeva-ning ulardan umidi katta. Barcha shogirdlari kabi

ularga ham san'at sirlarini mehr bilan o'rgatib kelishyapti. Ubaydullo «Ko'chamiz bolalari», «Baxtli bolalik», «Ustozlar» kabi qo'shiqlarini, Sarvar esa «Sportchi», «Omadi bo'lay», «Ona» nomli qo'shiqlarini juda sevib kuylashadi. Ayrim qo'shiqlariga kliplar ham yaratilgan.

Bu hali hammasi emas, ikki og'ayni shovvozlar

«Bolalar davrasi» ko'rsatuvida ham qatnashishadi. Sarvar geografiya sahifasini olib borsa, Ubaydullo ichakuzdi hangomalari bilan latifalar sahifasini yanada qiziqarliroq chiqishiga o'z hissasini qo'shib kelyapti.

Bu tirishqoq bolalarni «Qaydasan Oymulla?» filmida kichik-kichik obrazlar orqali ham uchratishimiz mumkin.

Ubaydullo poytaxtdagi 193-maktabning 6-«A» sinfida, Sarvar esa 243-maktabning 5-«E» sinfida a'lo baholarga o'qib kelishyapti. Shu yili respublika miqyosida bo'lib o'tgan «Bolalar qo'shiq bayrami»da faol ishtirok etib, tengdoshlari olqishiga sazovor bo'lishdi. Ubaydullo 9-sonli musiqa maktabida gitara chalishni, Sarvar esa respublika o'quvchilar saroyida

dutor chalishni o'rganishyapti.

Aslida-ku, bu bolalarning bo'sh vaqtlari unchalik ko'p emas. Shunday bo'lsa-da, sport bilan shug'ullanishga fursat topishadi.

Ikki og'ayni shovvozlar san'atsevar do'stlarning sevimli duetiga aylanishini niyat qilib, astoydil izlanishyapti.

DO'STINGIZ TILINI TUSHUNASIZMI?

Maktabga ilk qadamini qo'ygan jazzi bolakaydan birinchi taassuroti haqida so'raganimda, u "Maktabda o'zimga o'xshagan o'rtoqlarim juda ko'p ekan", deya javob bergandi. Darhaqiqat, yillar o'tsa-da, bu ilk taassurot inson xotirasida bir umrga muhrlanib qoladi. Ana shu o'chmas xotiralar do'stlik degan ulug' tuyg'u bilan uyg'unlashib, yildan-yilga inson qalbining to'ridan joy oladi.

So'zimizni bejiz do'stlikdan boshlamadik. Biz tashrif buyurgan Yangiyo'l tumanidagi 48-maktabda ikki millat vakillari - o'zbek va qozoq bolalari ahilinoqlikda ta'lim olar ekanlar. Maktabga kirib borar ekanmiz, o'quvchilarning barchasi bir xilda maktab formada ekanligi e'tiborimizni tortdi. Ular nafaqat o'z kiyimlariga, balki o'quv dargohlarining saranjom-sarishta



Maktabda bir kun

saqlashga ham katta e'tibor qaratar ekanlar. Mehmonlarni ochiq chehra bilan kutib olgan maktab direktori Xidirali Kuserboyev yig'ilganlarga maktab hayoti, ustozlar faoliyati hamda o'quvchilar haqida qisqacha ma'lumot berdi. «Yangiyo'l» gazetasi bosh muharriri A.Risqiboyev, yosh, iqtidorli shoira Nasiba Ahmadjonova va "Tong yulduzi" ijodkorlari bilan yaqindan tanishib olgan o'quvchilar o'zlari tayyorlagan kechani ochiq deb e'lon qildilar.

Abay, Muhammad Yusuf, Abdulla Oripov she'rlarini ifodali o'qib bergan o'quvchilar, hattoki shoirlarning hayoti va ijodlariga oid ma'lumotlarni ham keltirib o'tdilar. Rauf Parfi haqida ko'zlari yonib so'zlayotgan o'quvchi qalbida shoirning aynan Yangiyo'l-da tug'ilganligidan faxrlanish tuyg'usini yaqqol sezish mumkin edi. Eng muhimi, o'zbek bolalari qozoq tilini, qozoq bolalari esa

o'zbek tilini mukammal bilishlari bizni juda quvontirdi. She'rlarni ikki tilda ifodali o'qib bergan o'quvchilar «Do'stingiz tilini yaxshi tushunasizmi?», deb savol berganimizda, «Maktabimizda o'zbek va qozoq bolalarining barchasi ikki millat tilini yaxshi bilishadi», deb javob berdi.



O'quvchilar bilimni sinash maqsadida, «Tong yulduzi» gazetasi bosh muharriri ularga bir necha savollar bilan murojaat etdilar. Hozirjavob o'quvchilar berilgan savollarning barchasiga to'g'ri javob berib, sovg'alar bilan taqdirlandilar. Yosh shoira Nasiba Ahmadjonovaning "Vatan" nomli she'ri barchaga birdek manzur bo'ldi.

Ko'tarinki kayfiyatda o'tgan uchrashuvda o'zbek va qozoq o'quvchilari o'z davlatlari madhiyasini kuylab berganlari yig'ilganlar xotirasida o'chmas iz qoldirdi.

O'z muxbirimiz

Mustaqilligimizning dastlabki kunlaridanoq bolajonlarga bo'lgan e'tibor yanada kuchaytirildi. Shu boisdan ham 1991-yil 20-noyabrda «O'zbekiston Respublikasida yoshlarga oid davlat siyosatining asoslari to'g'risida»gi Qonun qabul qilindi.

Ma'lumki, bola huquqlari muammosi butun jahondagi eng global va muhim muammolaridan biri bo'lib hisoblanadi. 1989-yil 20-

noyabrda «Bolalar huquqlarini muhofaza qilish» bo'yicha bola huquqlari sohasidagi asosiy hujjat - Konvensiya qabul qilindi. Ushbu hujjat bolalarning e'tiborsizlikdan, ekspluatatsiya va tajovuzdan shuningdek, insoniylik

Mamlakatimiz qilmoqda. Prezidentning «O'zbekiston Bolalar sportini rivojlantirish jam'armasini tuzish to'g'risida»gi Farmoni ham

«Yoshlar yili» Davlat dasturi to'g'risida»gi qaroriga asosan, yoshlar

manfaatlarini va huquqlarini himoya qilish, ularning yashashlari, bilim olishlari, o'z ta'lim va sog'lom mutaxassisliklari sohasida, ayniqsa, kasb-hunar kollejlari bitiruvchilarini ish bilan ta'minlash, ularning o'qishlarini davom ettirishi uchun sharoitlar yaratish ko'zda tutildi. Yurtimiz yoshlarining ma'naviyatini yuksaltirish, ularning tadbirkorlik faoliyatini moddiy jihatdan qo'llab-quvvatlashga yanada ko'proq e'tibor qaratildi.

Shavkat YUNUSOV, xususiy notarius, huquqshunos



BOLA HUQUQLARI KAFOLATLARI

huquqlarini toptalishiga chek qo'yadi. Bu Konvensiyani dunyoning deyarli barcha mamlakatlari ratifikatsiya qildi. Konvensiyaga qo'shilgan davlatlarning qatoriga O'zbekiston Respublikasi ham kirdi.

Kelajak avlodni tarbiyalash muammolari O'zbekiston Respublikasi siyosatida eng muhim o'rin tutish va ushbu Konvensiya a'zosi sifatida bola huquqlarini ta'minlashda barcha kerakli qonuniy asoslarni yaratdi.

millat sha'ni va g'ururini dunyoga tanitadigan sog'lom avlodni tarbiyalashga asos bo'lib xizmat

36-modda Ishirokchi-davlatlar bolani uning farovonligiga oid har qanday jihatdan zarar yetkazadigan foydalanishning barcha boshqa shakillaridan himoya qiladilar.

31-modda 2. Ishirokchi-davlatlar bolaning madaniy va ijodiy hayotda har tomonlama qatnashish huquqini hurmat qiladilar, rag'batlantiradilar hamda madaniy va ijodiy faoliyat, bo'sh vaqtni o'tkazish va dam olish uchun tegishli teng imkoniyatlar yaratib berilishiga ko'maklashadilar.

SEVGIMI YO?..

Bo'lmasa ishq, ikki jahon bo'lmasun, Ikki jahon demakki jon bo'lmasun. Ishqsiz ul tanki, uning joni yo'q, Xushni netsun kishikim oni yo'q.



So'z mulkingin sultoni Alisher Navoiy bobomiz to'rtliklarida ishq-muhabbat, ko'ngil torini chertadigan so'zlar bilan tasvirlangan.

Sevgi-muhabbat bu Alloh tomonidan insonlarga in'om etilgan betakror jo'shqin tuyg'udir.

O'ylab qarajak, sevgi-muhabbatni ko'z bilan ko'rib, qo'l bilan ushlab bo'lmaydi, ammo uni his qilish, unga ishonish kerak, xolos.

Layli va Majnun, Tohir va Zuhra, Farhod va Shirinning mehru muhabbatlari o'ta kuchli bo'lgan, ammo ular

ishqning haqiqatligiga amal qilganlar. Oshiqlarini ko'rganda ko'zlar quvongan.«O'tgan kunlar» romanini o'qib, Otabek va Kumushning sabr-toqati, odobu axloqi va ularning cheksiz muhabbatiga lol qolamiz. Ularning sevgi-muhabbatiga hozirgi zamon ko'zi bilan bir nazar tashlaylik. Hozirda yoshlar orasida bu tuyg'u yechimi yo'q jumboqqa o'xshaydi. Nega?!

Ko'cha-ko'yda, yo'l chetida xiyobonlarda yoshlarni ko'rib, buni anglayolmay qolasan kishi. To'g'ri, bog'dagi maysalar ham bir-biriga suyanib o'sadi, samodagi ikki qush ham bir-biriga ishonib uchadi, ammo hozirgi juftliklarning bir-biriga ishonchi, so'zlashganda so'zidan, qaraganda ko'zidan hech narsaga o'xshamaydi. Nega?

Negaki, qo'limizdan kelmaydi? Bizni shunchalar bir-birimizga bo'lgan mehr-oqibat sevgi muhabbat va ongimiz sustlashib ketganmi?

Keling azizlar! Qalbizimga quloq tutib, yuraklar talpinayotganini sezib, bir-birimizga mehr-muhabbatli bo'laylik.

Zumrad ABDOUQAHHOR qizi

OZ-OZ O'RGANIB, DONO BO'LUR

O'quvchilardan birining: «O'qishda o'rtog'im mendan o'zib ketdi, unga hasadim kelyapti», degan so'zlarini eshitib, hay-hay, bu bola gunohga botibdi, deb o'yladim. Chunki, kimki hasad qilsa, yaxshilikka erishmaydi. Bu - hayotning oddiy haqiqati. Balki buni hozircha hazm qilolmassiz, ammo yoshingiz qirg, ellikka yaqinlashgach, hayotning juda ko'p oqu qorajari qatori, bu hikmatini anglab, idrok etib, pushaymon qudug'iga botasiz. Keyingi pushaymon o'zingga dushman. Ota-bobolar kelajak avlod pushaymon bo'lmasin, deb nasihatni o'ylab topganlar va o'zlaridan juda ko'p dono gaplar qoldirishgan. Ularga quloq tutsangiz, hayotda qiynalmay yashaysiz. Darvoqe, qadr-qimmatini bilgan bola o'zidan aqlliyoq, ilmiyoq do'stingiz yutug'idan cho'chimaydi, balki undan quvonadi, men ham unga o'xshab yaxshi bola bo'lsam, deya niyat qiladi. Yoki, aksincha, bir kun kelib, boshqalardan ustun bo'lsa, o'zini yuqori tutmaydi.

RIVOYAT

Ikki o'rtoq nonvoyga shogird tushdi. Ularning biri kamgap Sulaymon, ikkinchisining ismi maqtanchiq Huzurbek edi. Sulaymon erta-kech usta nonvoyning yonida turib, uning ishlariga yordamlashdi: suv tashidi, o'tin keltirdi, olov yoqdi, xamir qordi va non yopish sirlarini o'rgana boshladi. Huzurbek esa ishlarni qo'l uchida bajarib, maqtanchiqlikdan nariga o'tmadi. Bir kun kelib, o'zim nonvoyxonaga ochsam, zo'r nonlar pishiraman, deya kekkaydi, xolos.

Yillar o'tib, nonvoy Sulaymonga oq fotiha berdi. Huzurbekka «sen bir-ikki yil shoshmaytur» degan edi, ko'nmadi, oh-voh qilib, oq fotiha so'radi. Usta so'zida turdi va yana qayta: «Bir-ikki yil sabr qil» deya nasihat qildi. Ammo uning achchig'i chiqib, nonvoyxonadan ketib qoldi va otasining yordami bilan shahar o'rtasida nonvoyxonaga ochdi. Huzurbek «shunday non pishirayki, ustozim qoyil qolsin, deya dimog'ini baland ko'tardi va shoshibgina ishga kirishdi.

Qo'shni mahallada bir boy ota ham to'y boshlab, u Sulaymonga to'y noni tayyorlashni buyurdi.

To'y kuni har ikkala nonvoyxonada ham nonlar tayyor bo'ldi. Sulaymon pishirgan bo'rsilidoq, shirin nonlarni odamlar maqtab yedilar. Boy ota ham bundan xursand bo'ldi. Ammo Huzurbek pishirgan nonlarning orqasi qoraygan, ta'mi ham taxir edi. To'y egasi - oqsoqol bundan juda xafa bo'ldi va nonvoydan ranjidi. Oradan bir hafta o'tib, Sulaymonga non buyurtma qiluvchilar soni ortib ketdi, Huzurbekning nonvoyxonasi kasodga uchradi.

Miloddan oldingi birinchi asrda yashagan rim masalchisi Fedming: «O'zgalarga hasad qilib, o'zingnikidan ham ayrilasan», degan gaplari naqadar haq ekanligi shundan ham ma'lum.

Sin nima deysiz, aziz o'quvchilar? Fikr-o'yuringiz bo'lsa, bizga yozib yuboring!

Keyingi suhbatlarimizni xatrlaringiz asosida tayyorlash niyatidamiz.

O'zbek bolalar adiblari



Abdulla ORIPOV
(1941-yilda tug'ilgan)
Shoirning ilk she'riy to'plami «Mitti yulduz» deb nomlangan.



Odil ABDURAHMON
(1944-yilda tug'ilgan)
Shoirning «Salom, quyosh!», «Miltiq otilmadi» kitoblarini bolalar yaxshi bilishadi.



Habib RAHMAT
(1941-yilda tug'ilgan)
Kichkintoylarga shoirning «Ari va Ali», «Quloqsiz uloq», «Botir askarcha» kitoblari ma'lum.



Rauf TOLIB
(1946-yilda tug'ilgan)
Uning «Jirafaning bo'yi nega uzun?» ertaklar kitobi mashhur.



Qambar Ota
(1941-yilda tug'ilgan)
Uning «Kitobcha va buzoqcha», «Chavandoz orzusi», «G'ildirak» kitoblari nashr etilgan.



Anvar OBIDJON
(1947-yilda tug'ilgan)
Sevimli bolalar shoirining «Dahshatli Meshpolvon» qissasi-yu «Masxaraboz bola», «Bezgakshamol» she'riy to'plamlari nashr etilgan.



Safo OCHIL
(1942-yilda tug'ilgan)
«Tinchlik haqida qo'shiq», «O'z tilim», «Svetofor» she'rlari bolalarning sevimli qo'shig'iga aylangan.



Rustam NAZAR
(1949-yilda tug'ilgan)
Bolalarga atalgan «Mo'jiza», «Rangli favvora» kabi she'riy to'plamlari bosilgan.



Ravshan ISOQOV

BILAG'ON

Osmonoyning fird yuzi,
Olam go'yo toraygan.
Bulutlar qarg'alarday,
Ko'mir kabi qoraygan.
– Qovog'idan qor yog'ib,
Osmon buncha xo'mrayar?
Bobojon, ayting, qachon,
Oftob yana jilmayar?
– Bulutlarga burkanib,
Dam olar bobo Quyosh.
– Demak, shunga ezilib,
Osmon qilarmi ko'z yosh?
– Olam siru-sinoat,
Tabiat saxiy, hotam.
Yomg'ir yog'sa mo'jiza,
Borliq yayraydi, bo'tam.
– Topdim, – deydi jilmayib,
Asta boshin qashirkan.
Ulkan qora qopida
Bulut yomg'ir tashirkan.



Oftob bola kun bo'yi,
Sho'xliklar qildi rosa.
Goh berkindi men bo'lsa,
Kutdim qilib murosa.

Tarvuzday dumaladi,
Sochi to'zgan pahmoqvoy.
Ajarday o't purkadi,
Gap uqmagani ahmoqvoy.

Shomda horib, qizarib,
Uxlab qoldi «quloqsiz».
Yaxshi-ki, oymoma bor,
O'tirmadik chiroqsiz.

Tengdoshlaring ijodi

GULLAR

Gulzordagi gullarim
Chiroylidir bunchalar.
Ko'zlarimni yashnatar
Shoda-shoda g'unchalar.

Bir yonda oq, bir yon – ol,
Ochilibdi rang-barang.
Gulzorim go'yo baxtdan
Kulib turibdi, qarang.

Go'zallikdan dillardan
Chekinar tashvish, qayg'u.
Tabiatning insonga
Beminnat tuhfasini bu.

Shahnoza EGAMOVA
Buxoro viloyati, Shofirkon tumanidagi
43-maktabning 10-sinf o'quvchisi



Davomi. Boshi o'tgan sonlarda.

– Ha-a-a! – Endigina o'rnidan turayotgan Dadli stulga qayta o'zini tashladi. – Unday bo'lsa, mayli...

Vernon amaki zo'raki kuldi.


– Bu kichkintoy haqini bermaydi – otasining xuddi o'zi. Mana buni yigitcha desa bo'ladi! – U Dadlining sochlarini hurpaytirib qo'ydi.

Shu payt telefon jiringlab qoldi va Petunya xola apparatga qarab otili. Garri bilan Vernon amaki esa Dadlining hafsala bilan o'ralgan poygali velosiped, videokamera, masofadan boshqariluvchi samolyot, o'n oltita yangi kompyuter o'yinli quticha va videomagnitofonni qanday ochayotganini kuzatishardi.

Petunya xola stol yoniga qaytganida, Dadli oltindan ishlangan qo'l soatining o'rov qog'ozini yirtardi. Onasining tashqi ko'rinishi g'azabnok va shu bilan birga, tashvishli edi.

– Vernon, yomon xabar bor, – dedi u. – Figg xonimning oyog'i sinib qolibdi. U manavini olib qololmaydi.

Xola Garri tarafga qo'lini silkidi.



Bizning tarjima

aybdordek, nafrat bilan Garriga qarab.

Garri Figg xonim va uning singan oyog'iga achinishi zarurligini bilardi, ammo bu oson emasdi, negaki yana qorparcha, Mosh va Parizod tasvirlarini ko'rishga to'g'ri keladigan o'sha kundan endi uni butun boshli bir yil ajratib turardi.

– Biz Marjga qo'ng'iroq qilishimiz mumkin, – taklif qildi eri.

– Bo'lmag'ur gapni gapirmasang-chi, Vernon. Marj bolani ko'rganini ko'zi yo'q.

Dursllar Garri to'g'risida go'yo u bu yerda yo'qdek yoki u gap aynan o'zi haqida borayotganini baribir anglay olmaydigan darajadagi tentakdek gapirishardi.

Gulchehra SA'DULLAYEVA
tarjimasi

Davomi bor.



KORAZMDA**YANGRAGAN SADO**

Xorazm tuprog'ida kezib yurgan kishi nazarida xuddi bobo chinorlar-u, qo'hna minoralar lazgiga tushib o'ynayotgandek tuyulaveradi. Negaki, u tuproqda adabiyotga, san'atga oshufta qalblar hisobsiz.

«Tong yulduzi» gazetasiga «To'maris izdoshlari» o'zlarining she'r va hikoyalari yuborishibdi, o'qib xursand bo'ldik.

O'ylaymizki, Xorazmda yangragan sado barcha o'quvchilar qalbiga sado bersa, ajab emas.

**TO'MARIS
IZDOSHLARI**

Jamiyatimiz qoshida ushbu nom bilan yosh ijodkorlar «Mahorat maktabi»ni aynan

Respublikamiz Prezidenti I.A.Karimov 2008-yilni «Yoshlar yili» deb e'lon qilishlari munosabati bilan yilning boshida tashkil etgandik. Maqsadimiz viloyatimizdagi yosh iste'dodlarni izlab topib, ularning ijodlarini yanada barq urib, rivojlanishi uchun ularga ijod sirlarini puxta va qunt bilan o'rgatib, qalblaridagi dil tug'yonlarini baralla kuylab, el-yurtiga namoyon etishlari uchun imkoniyat yo'llarini ochib berishdan iboratdir.

Bugungi o'z faoliyatini boshlab yuborgan «To'maris izdoshlari» Mahorat maktabining yosh ijodkorlari garchi hali ijod yo'lida ilk qadamini boshlayotgan bo'lsalar-da, biroq, ularning qalbidagi nish urgan yoshlarga xos jo'shqinlik, shijoatkorlik va intiluvchanliklariga qarab ularga nisbatan yuragimizda ishonch tuyg'ulari an'analarini davom ettirib, xorazmiylar, vatanida o'ziga xos o'rin tutib, ularning haqiqiy «To'maris izdoshlari» ekanliklarini chin dildan to'la namoyon etadilar. Ana shu ezgu umidlar bilan ularga oq yo'l tilab qolaman.

Sharqiya ESHJONOVA,

Xorazm viloyati, «To'maris izdoshlari» jurnalist ayollar klubi raisi

**SOG'INCH**

Sog'indim, otajon, so'zlarimgizni,
Menga kulib boqqan ko'zlarimgizni.
Qayoqdan topaman izlaringizni,
Otajon, mehringiz sog'indim bu kum.

Qachon kelasiz deb yo'lga ko'z tikdim,
Qo'ng'iroq qilsangiz dildan entikdim.
Suyunib dardimni ichimga yutib,
Otajon, mehringiz sog'inchin ichib.

Meni erkalatib qanchalar suyub,
Sizni rasingizni bag'rimga qo'yib,
Xat yuborsangiz o'rtanib, kuyib,
Otajon, mehringiz sog'indim suyub.

Nodirabegim ISMOILOVA,
Xorazm viloyati, Urganch shahri,
2-maktabning 8-«A» sinf o'quvchisi

HUR NIYAT

Quyosh kulib turadi
Erta tong chog'idanoq.
Yurtim bo'yab kezadi,
Iliq bahor nafasi.

Qamrab olgan insonni,
Bahoriy bir kayfiyat.
Bizlarni qutlar gullar
Dilimizda hur niyat!

Durdona KARIMOVA,
Urganch shahridagi
97-maktabning
6-«A» sinf o'quvchisi

**O'ZBEK TILIM**

Avaz O'tar bobomning
O'gitlarin qilib yod.
Har tilni bilmoq uchun,
Izlanib yuraman shod.

Tillarni bilmoq uchun,
Sarflagayman bor kuchim.
Lekin mudom eng aziz,
O'zbek tilim – men uchun.

KOKLAM

Maysalar yozdi yaproq,
Yam-yashil bo'ldi o'tloq.
Eh, qanchalar go'zalsan
Ona yurt, ona tuproq.

O'ynab, quvna yuraman,
Lola gullar teraman.
Eng chiroyli gulimni
Ustozimga beraman.

Roza Ulug'bek qizi,
Yangiariq tumani,
«Mahorat maktabi»ning faol a'zosi

**GULLAB
YASHNASIN**

Qalbimda bahor,
Keldi qaldirg'och.
Quvonchga to'lib,
Darvozaning och.
Qaynar, sumalak
Bahordan darak.
Sevib qutlayman
Entikib yurak!
Qalbimda bo'lg'in,
Aziz bahorim –
Gullab yashnasin,
Sevgan diyorim.



Surayyo BOLTAYEVA,
Urganch shahridagi 2-maktabning
7-sinf o'quvchisi

She'riyatga tashna qalbli, Nilufar Rajabova 1989-yilda Urganch shahrida tug'ilgan. Unga she'r zavqi onasi Oyshaxon Botirovadan yuqqan bo'lsa, ajab emas. Uning birinchi «O'zbekistonim» she'ri 2001-yilda ilk bora



«Xorazm haqiqati» gazetasida chop etilgan. Shuningdek, yana ko'plab she'rlari «Xorazm yoshlari» gazetasida chop etilib, gazetxonlar tomonidan yaxshi kutib olingan. Yosh ijodkor qizimiz bugungi kunda Toshkent axborot texnologiyalari qoshidagi Urganch shahar 1-son akademik litseyining 3-bosqich talabasi. U ingliz tilidan mukammal saboq olish bilan birga, litseydagi utsozlaridan she'riyat sirlarini ham o'rganib, she'rlar mashq qilib kelmoqda. Quyida uning she'rlaridan namunalar beramiz:

O'ZBEKISTONIM

Ona yurtim O'zbekistonim,
Ey, gullagan bog'u bo'stonim.
Sen faxrimsan, nomusim, orim,
Fido qilsam arziydi jonim.

Kindik qonim to'kilgan tuproq,
Kelajagi buyuksan porloq.
Senga bitay tunganmas doston,
Nurli yo'ling paxtang kabi oq.

VATAN

Vatan deb dunyodan ketganlar qancha
Sog'inch dardin chekib yurganlar aytsin.
Shu tuproq mehrini ko'zga surtgancha
Vatanni sog'inib, Vatanga qaytsin.

Mening yuragimga sig'may borar so'z,
Shodlikka to'laman shunda da'fatam.
Ber desa borimni qilaman tortiq,
Onamdek muqaddas –sajdagoh Vatan!

Irodaxon YO'LDOSHEVA,
Xorazm viloyati, Urganch shahri,
2-maktabning 8-«A» sinf o'quvchisi

**XATOSINI TUSHUNDI**

(Hikoya)

Sherzod maktabdan qolishga bahona qilardi. Bir kun boshim og'riyapti, desa, ertasiga oyog'ini bahona qiladi. Dadasi shaharga ish bilan ketgach, Sherzod maktabdan qolmaydigan bo'ldi. Buni ko'rgan oyisi juda xursand bo'ldi. Kechqurun oyisi Sherzodni oldiga chaqirib:

– O'g'lim, qani kundaligingni ko'rsat-chi, – dedi.
Sherzod sumkasidan kundaligini olib oyisiga uzatdi.

O'g'lining kundaligini ko'rgan oyisi:

– Barakalla o'g'lim, shunday o'qishni davom ettir, – dedi.

...Oradan ko'p o'tmay, Sherzod uyiga kech qaytadigan odat chiqardi. Oyisi undan buning sababini so'raganida, «Kutubxonada kitob o'qib, kech qolib ketyapman, – deb bahona qilardi.

Ertasiga Sherzod maktabga barvaqtroq ketdi. Tushdan so'ng eshik qo'ng'irlog'i chalindi. Halima opa «o'g'lim kelgan bo'lsa kerak», degan xayolda eshikni ochdi. Ostonada Sherzodning ustozlari ko'rindi. Halima opa darhol mehmonni uyiga taklif qildi. Bir piyola choy ichgan mehmon Halima opaga dedi:

– O'g'lingiz bir necha kundan beri maktabga bormayapti. Fanlarni o'zlashtirishi ham ancha susayib ketdi.

Mehmonning bu gapidan Halima opa hayratlandi:
– U har kuni maktabga ketyapti-ku, – dedi hayron

qolgan Halima opa. – Nahotki, meni aldayotgan bo'lsa?

– Bilmasam, – yelka qisdi Sherzodning o'qituvchisi. Bu gapni eshitgan Sherzodning oyisi juda xafa bo'ldi. Sherzod maktabdan kelgach:

– O'qishlaring yaxshimi o'g'lim, – deb so'radi Halima opa.

– Har kuni o'qituvchilarim Sherzoddan ibrat olinglar, – deb maqtangani-maqtagan, – deb javob qildi Sherzod.

Buni eshitgan Halima opa:

– Barakalla, o'g'lim. Narigi mahalladagi Mahkam amakining o'g'li bor-ku, o'sha bola har kuni maktabga deb ketib, yomon bolalarga qo'shilib militsiyaga tushibdi. Ota-onasining yuzini yerga qaratdi. Sen esa maktabda a'lo baholarga o'qiysan. Men senday aqlli, bilimdon o'g'lim borligidan faxrlanaman.

Sherzod kechasi bilan uxlamasdan o'ylanib chiqdi va ertalab turib, oyisini aldayotgan uchun kechirim so'radi. Bundan keyin billiard o'yiniga bormasligini, yaxshi baholarga o'qishga va'da berdi. Oyisi o'g'lining o'z vaqtida xatosini tushunganligidan xursand bo'ldi.

Oradan bir oy vaqt o'tgach, dadasi xizmat safaridan qaytib keldi va o'g'lining kundaligidagi a'lo baholarini ko'rib juda xursand bo'ldi.

Avazbek JABBOROV,
Xorazm viloyati, Bog'ot tumanidagi
11-maktabning 9-«A» sinf o'quvchisi



BUGUNNING



«YANGI AVLOD»LARI



«Yangi avlod – 2007» Bolalar ijodiyoti festivali g'oliblari bilan tanishtirishda davom etamiz. Tanishing! G'aniyev G'ayrat 1993-yilda Farg'ona viloyati Uchko'priq tumani Baxrin qishlog'ida tug'ilgan. G'ayrat 2003-yildan buyon 7-bolalar musiqa maktabida an'anaviy xonandachilik bo'yicha tahsil olmoqda. Sahifamiz qahramoni G'ayrat, shuningdek, maktab qoshida tashkil etilgan «Qaro ko'zim» yosh maqomchi bolalar dastasining a'zosi. 2005-yil Urganch shahrida o'tkazilgan Muhiddin Qori Yoqubov nomli Respublika bolalar musiqa maktablari o'quvchilarining ko'rik-tanlovida «Qaro ko'zim» maqomchilar dastasida qatnashib, 1-o'rinni egalladi. G'ayrat uchun 2007-yil, ayniqsa samarali va unutilmas bo'ldi. U «Yangi avlod – 2007» Bolalar ijodiyoti festivali g'olibi bo'ldi. G'ayratjon M.Uzoqov, J. Sultonov izidan borib, milliy musiqiy madaniyatimizning munosib davomchisi bo'lmoqchi. Biz ham bu intiluvchan ijodkor do'stimizga sermahsul ijod va omad tilaymiz.

Nazokatxon TOJIBOYEVA

KITOB - MENING DO'STIMSAN

Maktabimizda kuni kecha so'nggi qo'ng'iroq yangradi. Men aytgan shere'r, hammaga yoqdi.



Aytgandek, bu yil biz 1-sinfni tugatdik. Yil davomida savod chiqarib, «Alifbe», «O'qish» kitoblarini sharillatib o'qiydigan bo'ldik.

Otam-onam ham meni juda yaxshi ko'rishadi. Menga ko'p ko'pertak kitoblari sovg'a qilishadi. Prezident bobomiz sovg'a qilgan chiroyli sumkamga qiziqarli kitoblarimni solib yuraman, ularni o'qib zerikmayman.

Mana, yozgi ta'til ham bashlanyapti. Yozda ayamga uy ishlarida yordam beraman. Bo'sh paytlarimda, albatta, kitob o'qiyman.

Muxlisa YOQUBJONOVA,
Zangiota tumanidagi 1-maktab o'quvchisi

Hilola!
2 yoshing muborak bo'lsin!
Dadang, oying.



Ochilding misli lola,
Oftob qizim Hilola.

Ikki yoshing qutlaymiz,
Qirdan oshgan shalola!



TOSHKENT – SHARQ DARVOZASI

Toshkent shahar, Yunusobod tumanidagi 272-o'rta umumta'lim maktabida «Toshkent – Sharq darvozasi» mavzuida tadbir o'tkazildi. Unda murabbiylar, mahalla oqsoqollari, o'quvchilar ishtirok etishdi. So'zga chiqqanlar poytaxtimizning o'tmishi, bugungi kuni haqida o'z fikrlarini bildirdilar. Maktab o'quvchilari o'z shaharlari haqida ko'proq ma'lumotga ega bo'ldilar.

Muzaffar AHMEDOV

«BOLAJONLAR AYYOMI» SKANVORDI

Aziz o'quvchilar! Skanvord javoblarini belgilangan xonadan soat mili yo'nalashida yozing. So'ng shaklning o'rta qismi aylanalardagi raqamlarni javoblar yozilgan raqamli xonalardagi mos harflar bilan almashtirib topshiriqni hal eting. Bunda ulardan ezgu so'zlarni bilib olasiz.

Foziljon ORIPOV tuzdi

Gazetaning navbatdagi soni 9-iyunda chiqadi



Muassislar:

O'zbekiston Matbuot va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati Markaziy Kengashi,
«SOG'LOM AVLOD UCHUN» hukumatga qarashli bo'lgan xalqaro xayriya jamg'armasi.

BOSH MUHARRIR:
To'liqin HAYITOV

Dizayner va sahifalovchi:
Fazliddin SHOYODGOROV
Navbatchilar:
Ma'mura MADRAHIMOVA,
Sherali NAMOZOV.

Gazeta O'zbekiston Matbuot va axborot agentligida 0208-raqam bilan 2007-yil 2-fevralda ro'yxatdan o'tgan.

TAHRIR HAY'ATI:
G'ayrat SHOUMAROV,
Dilbar ALIMJONOVA,
Qahramon QURANBOYEVA,
Jabbor RAZZOQOV («O'zbekiston» NMIU Bosh muharrir o'rinbosari),
Dilmurod RAHMATILLAYEV,
Dilshoda DADAJONOVA,
Feruza JALILOVA (Bosh muharrir o'rinbosari),
Sobirjon SHARIPOV,
Ergashvoy SARIQOV.

Manzillimiz:
700129,
Toshkent shahri,
Navoiy ko'chasi, 30-uy.
Obuna indeksi: 198.
e-mail: tong1924@mail.ru
Tel: 244-27-25, 244-63-08.
Tel./faks: (99871) 244-38-10

Rassomlar:
Nodira MIRZAYEVA,
Feruz MATYOQUBOV

«O'zbekiston» nashriyot-matbaa ijodiy uyida chop etildi. Haftaning dushanba kuni chiqadi. Shakli A-3, 2 bosma taboq.

Adadi - 51703
Buyurtma N: J 5312